

# 卷一百二十二



書名 杜氏通典二百卷 嘉靖十八年西樵方獻夫刊本  
 撰者 唐 杜佑 撰, 明 王德益、吳鵬 同校  
 卷 卷一百二十二  
 內容分類 史 政書 歷代通制  
 索書號 貴重-17  
 編號 B3510400

[彩色首頁1](#)

[東洋文化研究所漢籍目錄 編號: B3510400](#)  
[東洋文化研究所漢籍目錄所藏漢籍善本文影像資料庫 索書號: 貴重-17](#)  
[漢籍善本文影像資料庫文本杜氏通典二百卷 嘉靖十八年西樵方獻夫刊本](#)  
 版權所有: [東京大學 東洋文化研究所](#)  
[使用上的注意事項](#)

杜氏通典卷第二十五

職官七

諸卿上 總論諸卿  
 少卿附

奉禮郎 主簿 博士 太祝 兩京郊社署

太樂署 鼓吹署 太醫署 太公廟等署

太卜 廩犧 汾祠 珍羞署

良醞署 主簿 掌醢署 太官署 武器署 左右都候

丞 守宮署 主簿 武庫署 馬令

丞 諸陵署 主簿 崇玄署 典廩署


正 典牧署 主簿 乘黃署 諸牧監

司直 丞 評事 主簿 監 獄丞

所究研京東院學化文方東 第  
No. 4008 册

0 1 2 3 4 5 6 7 8 9 5

不 許 複 製  
NOT TO BE REPRODUCED  
東京大学東洋文化研究所



杜氏通典卷第一百二十二

禮八十二 嘉一 纂類十七 大唐開元禮十七

皇帝加元服

卜日 告宗廟

告圓丘 臨軒行事

見太后 會羣臣

謁太后 謁區上禮

親謁

皇帝納后

卜日 告方澤

告圓丘 臨軒命使

納采 納徵

問名 告期

納吉 告廟

冊后 皇帝表

命使奉迎 朝皇太后

同率

皇后受羣臣 拜 外命婦朝會

皇帝會羣臣 羣臣上禮

皇后廟見 車駕出宮

皇帝加元服

卜日

皇帝將加元服卜日如別儀

告圓丘

前一日諸告官清齋於告所其守衛及設罇坵等前

一日陳設如巡狩圓丘攝事儀告方立自前一日陳設及告官清齋等亦

如之為埋塋於遺南外壇之內北出陛未明二刻諸告官各服其服郊

社令良醞入實罇壘及玉帛太罇二一實明水為上

珪有卽幣以蒼告方丘太罇二一實明水為上明水一實醴齊玉兩珪有卽幣以黃未明一刻奉禮

帥贊者先入就位贊引引御史太祝以下入行掃除

如常儀質明謁者引告官以下俱就門外位奉禮帥

贊者先入就位贊引引御史以下入就位謁者引告

官贊引引執事者次入就位立定奉禮曰再拜謁替

者承傳凡奉禮者謁者皆承傳告官以下皆再拜謁者進告官

之左曰有司謹具請行事儀至禮畢燔祝版於齋所

並同巡狩告圓丘攝事儀告方立其儀同但改昊天為皇地祇其玉帛埋之

告宗廟

其禮與巡狩告宗廟儀有司攝事同唯祝文臨時撰

臨軒行事

先一日尚舍奉御設御冠席於太極殿中楹間南向

莞筵紛純加藻席績純加次席黼純守宮設群官次

於朝堂太樂令展宮懸於殿庭並如常儀設協律郎

舉麾位於殿上西階之西東向一位於樂懸東南西

向鼓吹令分置十二案於建古之外乘黃令陳車輅

尚輦奉御陳輿輦並如常儀典儀設文官一品以下

五品以上位於懸東六品以下於橫街南皆重行西  
面北上設武官一品以下五品以上位於懸西六品  
以下於橫街南當文官皆重行東面北上設朝集使  
位分方於文武官當品之下設諸親位於四品五品  
之中皇帝親在東  
異姓親在西設蕃客位各分方於朝集使六品  
之南諸州使人分方位於朝集使九品之後又設太  
師太尉位於橫街之南道東北向西上又設典儀位  
於懸之東北替者二人在南少退俱西向奉禮設門  
外位於東西朝堂皆如元日之儀其日諸衛勒所部  
屯門列黃麾伏如常群官依時刻集朝堂俱就次各  
服其服通事舍人引就朝堂前位侍中版奏請中嚴

太樂令鼓吹令帥工人入就位奉禮郎設壘洗於阼  
階東南壘在洗東加勺幕籠者在洗西南肆實巾加  
幕尚舍奉御設席於東房內近西又張帷於東序外  
殿中監陳衮服於東房內席上東領玄衣纁裳十二  
章六章在衣日月星辰龍華  
蟲六章在裳火藻粉米黼黻白紗中單黼領青標  
襪裾革帶玉鈎釵大帶青帶朱裏絀其外上以  
朱下以綠鈎用組之朱黼  
三章龍山  
火鹿盧玉貝劔火珠鏢首白玉雙珮玄組雙  
大綬六綵玄黃赤白纁綠純玄質長二丈四尺五百  
首廣一尺小雙綬長二尺六寸色同大  
綬而首半之間施二玉環朱鞮赤舄金  
飾績纚玉簪及擲三物同箱在服北向尚舍奉御設  
莞筵一純加藻席饋純加次席黼純又在南尚舍奉

御實醴罇於東序外帷內玷在罇北實角觶各一  
加帛饌陳於罇西邊豆各十二俎三在邊豆北設壘  
洗於罇東壘在洗西加勺幕篚在洗東北肆實巾加  
幕執壘罇邊豆及在廷壘篚者並絳公服立於其所  
衮冕垂白珠十二旒以組爲纓色同其纓鞋續克耳  
玉導於箱太常博士一人立於西階下近西東面諸  
侍衛之官各服其器俱詣閣奉迎典儀帥贊者先入  
就位通事舍人各引群官入就位太常博士引太常  
卿升西階立於西房外當戶北向侍中版奏外辨皇  
帝著空頂黑介幘雙童髻雙玉導絳紗袍以出侍衛  
警蹕如常儀皇帝將出太樂令令撞黃鍾之鍾右五

鍾皆應協律卽舉麾鼓吹奏太和之樂皇帝出自西

房太常博士引太常卿太常卿引皇帝卽座御座南

向立樂止太常卿與博士退通事舍人引太師太尉

就位凡太師太尉進皆舍人導引太師初入門舒和之樂作至位

樂止典儀曰再拜贊者承傳群臣在位者皆再拜太

師升自西階太師初行樂作至階樂止太師升立於

西階上東面太尉詣阼階下壘洗盥手升東階詣東

房內取纚櫛箱進跪奠於御座西端太師詣御座前

跪奏稱請坐退復位皇帝坐太尉進當御座前少左

跪脫空頂幘置於櫛箱櫛畢設纚與少西東面立太

師降盥初降樂作盥訖詣西階下樂止太常受冕左

執頂右執前升西階進當皇帝前左樂作太師祝曰  
今月吉日始加元服壽考惟祺以介景福乃跪冠興  
復西階上位太尉進皇帝前少左跪設簪纓興復位  
皇帝與太常卿引適東房殿中監進轍櫛纒箱以退  
皇帝着衮服太常卿引即席南向坐樂止太尉請序  
外帷內盥手洗觶酌醴加柶履之面葉立於序內南  
向太師進受醴面柶進御前北面祝曰其醴唯厚嘉  
薦令芳承天之休壽考不忘訖跪進觶興退降立於  
西階下東面於將祝殿中監帥進饌者奉饌設於御  
座前皇帝左執觶右執脯櫛於醴祭於籩豆間太師  
取肺一以進皇帝皇帝奠觶於薦西受肺却左手執

本右手執末以祭上右手齎之授太尉加於俎降立

於太師之南皇帝悅手

侍中一人進悅中

取觶以柶祭醴啐

醴建柶奠觶於薦東皇帝初受觶休和之樂作奠觶  
訖樂止太師太尉俱復橫街南位太師初行樂作至  
位樂止典儀唱再拜贊者承傳在位者皆拜太師太  
尉出初行樂作出門樂止侍中前跪奏禮畢皇帝興  
太樂令令撞蕤賓之鐘右五鍾皆應太和之樂作太  
常卿引入東房侍警蹕如來儀入訖樂止通事舍人  
引東西百位者以次出

見太后

其日冠訖著通天冠服詣太后所御殿如常朝見之

式尚宮引就殿前北面再拜訖尚宮引出還宮如常

謁太廟

將謁有司卜日如別儀前一日皇帝清齋於太極殿  
太尉以下清齋於廟所近侍之官應從入廟者各於  
本司清齋一宿諸衛令其屬晡後一刻各以其方器  
服守衛廟門與太樂工人俱清齋一宿前三日尚舍  
直長施太次於太廟南門之外道西東向尚舍奉御  
鋪御守宮設文武侍臣次於太次之後文左武右  
俱東向設太尉以下次於齋坊內設三師次於侍臣  
次之西東向前三日太樂令設官懸之樂於廟庭如  
常儀右校清掃內外前一日奉禮設御座於樂懸之



南道西北向設太尉以下及御史等位於內外如常

儀設酒罇之位於廟堂上前楹間各於室戶之左北

向每室鷄彝一鳥彝一犧罇二山壘二皆加勺鬯皆

西上各有坫以置爵設壘洗篚如常篚實璋其執罇壘

篚鬯及烹牲並如巡狩告謁儀日未明三刻太尉以

下各服其服太廟令良醞令各帥其屬入實罇壘雞

犧罇上罇皆實以明水山壘之上罇實以玄酒太官

鳥彝實以爵鬯犧罇實以醴齊山壘實以清酒

令帥進饌者實籩豆行掃除及奏出獻祖以下神主

各置於座如常儀訖各就位如巡狩告儀質明謁者

引太尉以下俱就門外位太樂令帥工人次入就位  
其升堂至者皆脫履於階下降納如常



謁者引太尉贊引引執事者次入就位立定奉禮曰再拜太尉以下皆再拜其先拜者不拜謁者進太尉之左曰

有司請行事其行事儀至讀祝文如時享攝事儀無

燔臍骨及奠毛血讀祝文曰維某年歲次月朔日孝曾孫皇

帝某太祖以下稱臣某謹遣太尉臣名敢昭告于獻祖宣帝

祖妣某氏敬尊常典禮加元服以今吉辰祗見謹以

一元大武明粢薌合薌其嘉疏嘉薦醴齊尚嚮訖興

太尉再拜初讀祝文訖樂作太祝進跪奠版於神座

俛伏興還罇所太尉拜訖樂止謁者引太尉以次獻

皆如獻祖之儀唯不盥洗徧獻訖其飲福受胙如常儀訖

謁者引太尉降復位贊引引御史太祝及執罇籠幕



者俱就執事位重行西面立以候皇帝既謁廟出門太祝等升復位笙歌作雍和之樂諸祝各進入室徹豆出還罇所登歌止奉禮曰賜胙其贊拜及納神主燔祝版並如時享攝事儀

親謁

前出三日本司宣攝內外各供其職前一日守宮設群官五品以上次東西朝堂如常謁晝漏上水三刻鑾駕出宮發引前七刻槌一鼓為一嚴三嚴時節一刻侍中奏裁

發引前五刻槌二鼓為再嚴其鑾駕發引之儀與時

享出宮儀同唯陳小駕鹵簿乘金輅為異駕迴通事

舍人引文武群官不從者退就次以候駕至大次迴

輅東向將軍降立於侍中進當鑾駕前跪奏稱侍中  
臣某言請降輅俛伏興還侍位皇帝降輅乘輿之大  
次繖扇華蓋侍衛如常儀通事舍人引三師各就位  
座各服其服出立於大次門外太常博士引太常卿  
立於大次門外當門西向侍中版奏外辦皇帝出  
華蓋侍衛如常侍中負寶博士引太常卿太常卿引  
皇帝凡太常卿前道皆博士先引至廟門外殿中監進鎮珪皇帝  
執鎮珪華蓋仗衛停於門外三師近侍者從入如常  
皇帝初入門太和之樂作至版位北向立樂止太常  
卿與博士退立於左太常卿前奏稱請再拜皇帝再  
拜少頃太常卿又奏稱請再拜皇帝又再拜訖太常

博士引太常卿太常卿引皇帝出還大次初行樂作  
出門樂止殿中監受鎮珪華蓋侍衛如常儀皇帝既  
還大次請解嚴轉仗衛至既入閣侍中版奏請解嚴  
叩鉦將士各還本所如時享還宮儀

### 會群臣

皇帝見廟之明日會群臣如元會之儀其上壽詞云  
具官臣某言伏惟皇帝陛下吉辰元服禮備樂和臣  
等不勝大慶謹上千萬壽

### 群臣上禮

前一日守宮量設次於東廟堂如常儀其日應上禮  
之官依時刻各集於次皆服朝服奉禮先設上禮之

官位於東廟堂之前近南文武西重行北面相對  
為首又設中書舍人位於吏部為首者之北南向設  
奉禮位於文武東北贊者二人在南差退俱西向通  
事舍人各引應上禮之官就位立定令史二人一對  
舉表案禮部郎中引就中書舍人前取表授舍人訖  
引案退奉禮唱再拜贊者承傳在位者皆再拜中書  
舍人奉表入進通事舍人引在位者退

皇帝納后

卜日告方澤

告圓丘

卜日告圓丘方澤並如加元服儀其祝文臨時撰

臨軒命使

將行納采制命太尉為使者宗正御為副使吏部承

以戒之

問名納徵納吉告期並奉迎並同使

前一日尚書奉御設幄座

於太極殿如常守宮設群官各使等諸應陪位者次  
於東西朝堂太樂令展宮懸於殿庭設舉麾位於殿  
上一位於懸下鼓吹令設十二案乘黃令陳車輅尚  
輦奉御陳輦輦如元日之儀典儀設文官一品以下  
五品以上位於懸東六品以下於橫街南皆重行西  
面北上設武官一品以下五品以上位於懸西六品  
以下於橫街南當文官皆重行東面北上設朝集使  
位各分方於文武官當品之下設諸親位於四品五  
品之下皇帝親在東異姓親在西設蕃客位各分方於朝集使六  
品之南諸州使人分方位於朝集使九品之後設典

儀位於懸東北贊者二人在南少退俱西向設使受命位於大橫街南道東副使又於其東少退俱北面奉禮設門外位於東西朝堂如元日儀其日諸衛勒所部列黃麾仗如常儀群官依時刻集朝堂俱就位各服其服通事舍人引就朝堂前位侍中量時刻版請中嚴鉞戟近仗入陳於殿庭太樂令帥一人就舞位協律郎入就舉麾位諸侍衛之官各服其器服符寶俱就閣奉迎典儀帥贊者先入就位通事舍人引群官入就位又引使副入立於太極門外道東西面黃門侍郎引王節執幡節中書侍郎引制書案立於左門延內道北西面北上侍中版奏外辨皇帝服袞

冕御輦以出曲直華蓋警蹕侍衛如常儀皇帝將出仗動出自西房即御座西南向符寶即奉寶置於御座如常通事舍人引使主副入就位立定典儀曰再拜贊者承傳群官在位者皆再拜侍中前承制降詣使者東北西面稱有制使主副俱再拜侍中宣制曰納某宮女爲皇后命公等持節行納采等禮宣訖使主副又再拜侍中還侍位黃門侍郎引主節於使者東北西面授使者使者受付主節主節立於使後黃門侍郎退中書侍郎引制書案立於使者東北西面中書侍郎取制書持案退自使後立於使者之左西面授使者使者受制書制於案持案者退立於使後中書侍郎退典

儀曰再拜替者承傳群官在位者皆再拜舍人引使者主副出持節者先導持案者次之侍中前跪奏稱侍中某臣言禮畢俛伏興還侍位皇帝降座升輿入自東房侍衛警蹕如來儀舍人引群官在位者以次出初使主副乘輅備儀仗而行鼓吹備而不作從者乘車以從其制書油絡網犢車載而行自後皆如之

### 納采

前一日守官設使者次於后氏大門外道右南向其日大昕使主副至於后氏大門外掌次者迎入次主及行事者皆如常主人受於廟無廟者於正寢掌事者布神席於室戶外之西莞筵紛純加藻席畫純南向右雕凡使主

副出次謁者引立於大門外之西東門北上持幡節者立於使者之北少退東面令使二人對舉制案立於使者之南執鴈者又在其南俱東面主人立於大門內西向僮者立於主人之左北面受命出立門東西面曰敢請事使者曰某奉制受采僮者入告主人曰臣某之女若如人既蒙制訪臣某不敢辭僮者出告入引主人出迎使者於大門外之南北面主人再拜使者不答拜主人揖使者先入於階使者及宗正卿入幡節先導其持節案及執鴈者從入幡節立西階之西東面自後幡節皆如之使者由西階升於兩楹間南面使副在使者西南持案及執鴈者在使副西南俱

東面主人升阼階詣使者前北面持案者以案進使  
副前取制書持案者退復位使副奉制書進授使者  
退復位持節者脫節衣使者曰有制主人再拜宣制  
畢主人降詣階間北面再拜稽首讀訖升進北面受  
制書退以授左右仍北面立使副取鴈以授使者退  
復位使者受鴈主人再拜進受鴈退以授左右仍北  
面立僮者引二人對舉答表案進於主人後少西僮  
者取表以授主人主人受進授使者訖退復位再拜  
持節者加節衣謁者引使者及使副等降自西階以  
出

制文

凡六祀皆以版長一尺二寸廣四分厚八分后家答版亦如之

皇帝曰咨具官封姓渾元資始肇經人倫爰及夫婦  
以奉天地宗廟社稷謀于公卿咸以爲宜率由舊典  
今使使持節太尉封某宗正卿封某以禮納采

答文

皇帝嘉命訪婚陋族備數采擇臣之女姑姊妹則云  
嬪未閑教訓衣履若如人欽承舊章肅奉典制某官  
封臣姓名稽首頓首再拜承制詔

問名

使者既出遂立於內門外之西東向並如納采位初  
使者降主人降立於內門內東廂西面僮者進受命  
出請事使者曰將加卜筮奉制問名僮者入告主人

曰臣某之子若如人既蒙制訪臣某不敢辭僮者出告入引主人出迎使者至主人受鴈訖出如納采儀使者出立於門內之西使副在南少退俱東面初使者降主人使者立於東階下西面僮者進受命出請事使者曰禮畢僮者入告主人曰某公奉制至於某之室某有先人之禮請禮從之僮者出告使者曰某既得將事敢辭僮者入告主人曰先人之禮敢固以請僮者出告使者曰某辭不得命敢不從僮者入告遂引主人升立於序端掌事者徹几改設二筵東上各用莞筵紛純加藻績席純設無醴於東房西牖下加勺幕占在罇北實解二角栖二各一籩一豆實以脯醢在坫北

又設洗於東階東南如常訖僮者引主人降迎使者於內門外之東西面揖使者先入使者入門而左副從之主人入門而右至階主人曰請某位升使者曰某敢辭主人曰固請某位升使者曰某敢辭主人曰固請某位升使者曰某敢辭主人曰固請某位升使者曰某敢辭主人曰固請某位升使者曰某敢辭主人曰固請某位升西階副從升俱北面主人阼階上北面再拜使者及副西階上北面各再拜主人受几於序端掌事者內拊几三奉兩端西北向以進主人東南向外拂几三振袂內執之掌事者一人又執几以從主人進西北向使者序進迎受於筵前東南向以候主人還東階上北向再拜送使者以几筵進北面跪各設於座差

退於西階上北面東上俱各再拜立於階西東面南  
上贊者二人俱升取解降盥手洗解升實醴加柶於  
解覆之面葉出房南面主人受醴面柶進使者筵前  
西北面又贊者執解以從使者西階上北面各一拜  
序進筵前東南面主人又以次授醴使者受俱復西  
階上位主人退復東階上北面一拜送掌事以次薦  
脯醢於筵前使者各進升筵皆坐左執解右取脯櫛  
於醢祭於籩豆間各以柶祭醴三始板一祭又版再  
祭與各以柶蕪諸解上獵降筵於西階上俱北面坐  
俱啐醴建柶各奠解遂拜執解主人各拜使者進升  
筵坐各奠解於薦東降筵序立於西階上東面南上

掌事者牽馬入陳於門内三分庭一在南北首西上  
又掌事者奉幣升東階以授主人主人受於序端進  
西面掌事者一人又奉幣篚立於主人之後使者西  
階上俱北面再拜主人進詣楹間南面立使者序進  
立於主人之西俱南面主人以幣篚授使者使者受  
退立於西階上東面掌事者又以幣篚授主人主人  
授以受使副使副退立於使者北俱東面主人還東  
階上北面拜送使者降西階從者迓受幣使者當筵  
實揖馬出牽馬者從出使者出大門之外西東面立  
從者迓受馬主人出門東西面再拜送使者退主人  
入立於東階下西面儻者告主人曰賓不顧矣主人



及於寢使者奉荅表詣闕進

制文

皇帝曰咨某官封姓兩儀配合承天統物正位于內必俟令族重章舊典今使者持節太尉封某宗正卿封某以禮問名

答文

皇帝嘉命使者某重某宣中制問臣名族臣女夫婦所生先臣故某官之遺玄孫先臣故某官之遺曾孫先臣故某官之遺孫先臣故某官之孫女年若干欽承舊章謹奉典制某官臣姓某稽首頓首再拜承制詔某官祖以上在則直云某官臣之孫女等語

納吉

前一日守宮設使者次以下至主人立於大門內西面如納采儀儼者進受命出請事使者曰加諸卜筮占曰從制某也納吉儼者入告主人曰臣某之女若如人龜筮云吉臣占在焉臣某謹奉典制儼者出告入引主人出迎使者於大門外以下至使者降自西階以出如納采儀使者出立於內門外之西使副在南少退俱東面初使者降主人立於東階下西面儼者進受命出請事使者禮畢其儼使者如問名之儀

制文

皇帝曰咨某官姓人謀龜筮僉曰貞吉敬順典禮令

使者持節太尉封某宗正卿封某以禮納吉

答文

皇帝嘉命使者某重宣中制太卜元吉臣陋族卑鄙  
憂懼不堪欽承舊章肅奉典制某官臣姓某稽首頓  
首再拜承制詔

納徵

前一日守宮設使者次如初其日大昕使主副至后  
氏大門外掌次者延入次執事者入布幕於內外玄  
纁束帛陳於幕上六馬陳於幕南北首西上執事者  
奉穀珪以匱俟於幕東西掌事者設几筵如初使主  
副出次謁者引立於大門外之西東南北上持幡節

者立於使者之北少退東面令史二人對舉制案立  
於使副南東面主人立於大門內西面僮者進受命  
出請事使者曰某奉制納徵僮者入告主人曰奉制  
賜臣以重禮某祇奉典制僮者出告入引主人出迎  
使者於大門外之南北面主人再拜使者不答拜謁  
者引使者及使副入幡節前導持案者從入使者入  
門而左主人入門而右至於內門使主副立於門西  
東面北上主人立於門東西面僮者引主人揖使者  
先入門至階使副從入由西階升立於楹間南面使  
副在使者西南持案者在使副西南俱東面主人由  
阼階詣使者前北面立執事者坐啓匱取珪加於玄

通典卷三百三十一  
五十六  
纁上及牽馬者從入三分庭一在南北首西上執珪者在馬西俱北面持案者以案進使副前使副取制書持案退復位使副奉制書進授使者退復位持節者脫節衣使者曰有制主人再拜使者宣制畢主人降詣階前北面再拜稽首訖升進北面受制書退以授左右仍北面立儼者引二人對舉谷表案進主人後少西儼者取表以授主人主人受以授使者訖退復位再拜謁者引使者及使副等降自西階以出立於內門外之西使副在南少退俱東面初主人受制書訖左右受玉帛於庭受馬者自左受之以東牽馬者既授馬自前面而出主人降立於東階下西面儼

者進受命出請事使者禮畢其儼使者如納吉之儀

### 制文

皇帝曰咨某官姓之女有於母儀之德窈窕之姿如山如河宜奉宗廟永承天祚以玄纁珪馬以章典禮今使使持節太尉封某宗正卿封某以禮納徵

### 答文

皇帝嘉命使者某重宣中制降婚卑陋崇以上公寵以豐禮備物典冊欽承舊章肅奉典制某官臣姓名稽首頓首再拜承制詔

### 告期

前一日守宮設使者次以下至出請事如納采儀使

者曰制使某告期儻者入告主人曰臣某謹奉制儻者出告入引主人出迎使者以下至禮畢如納采儀

### 制文

皇帝曰咨某官姓謀于公卿大筮元龜罔有不臧率遵典禮今使使持節太尉封某宗正卿封某以禮告期

### 答文

皇帝嘉命使者某重宣中制告曰惟某月某日可迎臣欽承舊章肅奉典制某官臣姓某稽首頓首再拜

承制詔

### 告廟

有司以特牲告知常告禮祝文臨時撰

### 冊后

前一日守宮設使者次於后氏第大門外之西如常

尚舍設尚宮以下次於后氏閣外道西東向障以行

惟其日臨軒命使如納采命使之儀

太尉為正使司徒為副使

禮設使者位於大門外之西東向使副及內侍位於

使者之南舉冊案及寶綬者在南差退持節者在使

者之北少退俱東向設主人位於大門外之南北面

設使者以下及主人位於內門外亦如之設內謁者

監位於內門外主人之南西面謁者監設司贊位於

東階東南掌贊二人在南差退俱西向內謁者監又

先置一案於閣外近限使主副乘輅持節備儀仗鼓吹備而不作至后氏大門外使者降輅掌次者延入次尚宮以下至客之次內僕進重翟以下大門外道西東向北上諸衛令其屬布后儀仗如常使者出次謂者引使者以下就門外位主人朝服出立於東階下西面僮者進受命出門東西面曰敢請事使者曰某奉制授皇后備物典冊僮者入告遂引主人出於大門外北西再拜使者不答拜謂者引使者入門而左持節者前導持案者次之主人入門而右至內門外各就位立定奉冊寶案者進當使副前使副受冊寶持案者退復位使副以冊寶進授使者退復位內

侍進使者西面受冊寶東面受內謁者監復位內謁者監持冊寶入立於閣外之西東面跪置冊寶於案俛伏興上官以下入閣奉后首飾褙衣其衣服所傳司先進

姆贊出尚宮引降立於庭中北面尚宮跪取冊尚服跪取寶綬興立於后之右少前西向司官司寶各一人進於后左少前東向尚宮稱有制尚儀贊皇后再拜皇后再拜宣冊訖尚儀又贊皇后再拜尚宮奉冊進授皇后皇后受以授司官尚服又奉寶綬次授皇后皇后受以授司寶訖尚儀贊皇后升座尚宮引皇后升座南向坐內官以下俱降立於庭重行北向西上立定司贊曰再拜掌事承傳內官以下皆再拜訖

諸侍衛者各升立於侍位尚儀前跪奏稱禮畢皇后降座尚宮引皇后入於宮主人僮使者如告期之儀前使者乘輅而還諸闕復命

冊文

維某年月日皇帝使使持節太尉封某司徒封某冊命某官女某氏爲皇后咨爾易階乾坤詩首闕睢王化之本實由內輔是故皇英嬪虞帝道以光太任妣姬周胤克昌皇后其祇最厥德以肅承宗廟虔恭中饋敬盡于婦道遵師道于宮作範儀於四海皇天無親惟德是依可不慎與

命使奉迎

其日晡後時中量其時刻版奏請中嚴晡後三刻皇帝服袞冕出升所御殿宮人侍衛如常文武之官五品以上立於東西朝堂如常儀奉迎前一日守宮設使者次於大門外道右設使副及內侍次於使者次西俱南向尚舍設宮人次於閣外道西奉禮設使者位於大門外之西東向使副位於使者之南持案及執鴈者又在南差退持節者在使者北少退俱東向奉禮位於使副西南贊者二人在南差退俱東面設內侍位於大門外道左西面其日司贊設宮人以下位於堂前使主副朝服發朝堂乘輅持節備儀仗至大門外使者降輅掌次者延入位宮人等各之次奉

迎文武官至宿衛及列鹵簿如常儀尚儀奏請皇后  
中嚴量時刻姆傳導皇后尚宮前引出升堂宮人等  
侍衛如常儀皇后將出主婦出於房外之西南向文  
武奉迎者皆陪立於大門外文東武西北上位立定  
謁者引使者詣大門外位使副內侍等各就位主人  
立於內門外堂前東階下西面僮者受命出請事使  
者曰某奉制以今吉時率職奉迎僮者入告主人曰  
臣謹奉典制僮者出告入引主人出門南北面再拜  
使者不答拜謁者引使者入門而左持節者前導使  
副及持案執鴈者次之主人入門而右至內門外堂  
西階使者先升立於兩楹間南面使副在使者西南

持案及執鴈者在使副西南俱東面主人升東階謁  
使者前北面立持案者以案進使副前使副取制書  
持案者退復位使副奉制書授使者退復位使者曰  
有制主人再拜使者宣制畢主人降詣階間北面再  
拜稽首訖升進北面受制書退授左右訖主人再拜  
進受鴈授左右仍北面立僮者引二人對舉荅表案  
進立於主人後少西僮者取表以授主人主人受以  
授使者訖退復位再拜謁者引使者及使副降自西  
階以出復門外位立定奉禮曰再拜贊者承傳使主副俱  
再拜使者曰令月吉日某等奉制率職奉迎內侍受  
以入傳於司言受以奏聞尚儀奏請皇后再拜皇后

再拜訖主人升自東階進西面誠之曰戒之敬之夙  
夜無違命主人退立於東階上西面母誠於西階上  
施衿結帨曰勉之敬之夙夜無違命訖腰輿進皇后  
升輿以降尚宮前導六尚以下侍衛如常皇后升重  
翟以几姆加憬內宮侍從及內侍導引應乘車從者  
如鹵簿常儀迎使及百官當引從者皆退隨便立皇  
后車出大門外以次乘車馬引從如常

制文

皇帝曰咨某官姓歲吉月令吉日惟某率由典禮今  
遣使持節太尉封某宗正卿封某以禮迎

答文

皇帝嘉命使者某重宣中詔令月吉辰備禮以迎謁  
蟻之族猥承大禮憂懼戰悸欽承舊章肅奉典制某  
官臣姓某稽首頓首再拜承制詔

同牢

其日內侍之屬設皇后大次於皇帝所御殿門外之  
東南向鋪座如常將夕尚寢設皇帝御幄於所御之  
殿室內之奧東向鋪地席重茵施屏幃初昏尚食設  
洗於東階東南東西當東雷南北以堂深壘水在洗  
東篚在洗西南肆篚實以巾設后洗於東篚近北壘  
水在洗西篚在洗東北肆皆加爵幕饌於東房西  
牖下籩豆各二十四簋簠各二十四簋簠各二甗



各三皆加巾蓋俎三罇於室內北牖下玄酒在西加

幕勺南柄幕夏用絲冬用組又罇於房戶外之東無玄酒坫

在南加四爵合其器皆鳥漆惟皇后重翟入大門

鳴鐘鼓其鐘鼓所以先陳設鳴鹵薄止於外近侍應

從者如常皇后從來巷至大次前迴車南向施步障

畢尚儀進當車前跪奏請降車輿退復位皇后降車

御輿司輿率繖扇等司燈率執燭者布列前後皇后

入就大次嚴整訖尚官引皇后詣所御殿門外之東

西向立尚儀跪奏外辦請降座禮迎皇帝降座尚官

前引詣門內之西東面揖后以入尚食徹罇幕酌玄

酒三注於罇尚寢設席於室內之西東向荒筵紛純加藻席

紛亦准此皇帝道后升西階入室即席東向立皇

后入立於罇西南向皇帝盥于南洗皇后盥於北洗

尚食率其屬以饌入設醬於席前俎醢於其北俎三

入設於豆東來俎持於俎北醢之東尚食設黍於醬

東稷稻梁又在東設清於醬南饌要設對醬於東對

后醬也設殖醢在其南北上設黍于豕俎北其西稷

稻梁設清于醬北尚食啓會都于簋蓋之南對簋蓋

于北啓發也且各加七著向寢設對席於饌東尚食

西面跪奏饌具與皇帝揖皇后對席西面皆坐尚食

跪取韭菹搗醢授皇帝又尚食跪取韭菹搗授皇后

皇帝及皇后俱受祭於豆間尚食又取黍實於左手



遍取稷稻粱反於右手授皇帝又尚食取黍實於左手遍取稷稻粱反於右手授皇后皇帝及皇后俱受祭於豆間尚食各以脯加於俎司飾二人以巾授皇帝及皇后俱悅手訖尚食各跪品嘗饌訖各移黍置於席上以次授肺脊皇帝及皇后皆食三飯卒食尚食二人俱盥手洗爵於房入室詣酒罇所酌酒進授皇帝及皇后俱受爵祭酒尚食各以肝從皆奠爵振祭濟之尚食皆受實於俎豆各取爵皆次訖尚儀俱進受爵奠於坵再酪如初三酪用如再酪尚食俱降東階洗爵升酌於戶外罇進北面俱奠爵興再拜跪取爵遂飲卒爵奠拜執爵奠興降奠於籩還侍位尚儀北面跪奏稱禮畢興皇帝皇后俱興尚宮引皇帝入東房釋冕服御常服又尚宮引皇后入帷脫服尚宮引皇帝入尚食率其屬徹饌於東房如初皇后從者飯皇帝之饌皇帝侍者飯皇后之饌

皇后表謝

皇后至宮之日服展衣出司言引尚宮尚宮前導及左右侍從如常升正殿兩楹間北面立又尚儀以謝表授皇后又尚儀以案候於前皇后置表案上尚宮贊拜訖尚儀以表降殿授內侍內侍因中書以聞初內侍出門皇后降殿還寢如常

朝皇太后

其日大昕所司設皇太后御座地席於所御之殿南  
尚食帥司膳設側罇醴於東房內東壁下加勺暴  
籩豆一實以脯醢設於罇北又設洗於罇西近北壘  
水在洗西籠在洗東北肆籩實以中暴角其日皇后  
夙興沐浴尚儀版奏請皇帝中嚴賢明六尚及諸侍  
衛宮人俱詣寢殿奉迎尚儀版奏外辦皇后服褱衣  
加首飾御輿尚宮前導降自西階以出侍衛如常至  
皇太后閣外皇后降輿障扇侍從如常立於西箱東  
面皇后將至尚儀奏請皇太后中嚴皇后既至閣外  
尚儀奏皇太后外辦皇太后服褱衣首飾司言引尚  
宮尚宮引皇太后出即御座前南向坐侍從如常皇

后執苴棗栗脯修司言引尚宮尚宮引皇后入西升  
階北面再拜跪進苴於皇后座前皇太后撫之尚食  
進徹以東司言引尚儀尚儀引皇后入升西階北面  
再拜進跪奠苴於皇太后座前皇太后撫之尚食進  
徹以東司言引尚宮尚宮引皇后退北面又再拜司  
設設皇后席於戶牖之間近北南向司言引尚宮尚  
宮引皇后立於席西南向尚食入東房盥手洗解酌  
醴加柶面出進詣皇后席前北向立皇后進北面再  
拜受醴尚食薦脯醢於席前皇后升席坐左執觶右  
取脯孺於醢祭於籩豆間以柶祭醴三始一極祭又  
極再祭加柶於觶面葉興降席北面跪啐醴建柶興

北面再拜進升席跪奠解於薦東興降席司言引尚  
宮尚官引皇后降自西階以出御輿而還侍從如常  
儀初皇后出閣尚儀跪奏稱禮畢俛伏興還侍位皇  
太后降座入室如常

皇后受群臣賀

右如正冬賀儀唯辭云具官臣某等言伏惟殿下微  
獻昭備至德應期九厥黔黎不勝慶躍

皇帝會群臣

右如正冬會儀唯樂備而不作上壽辭云具官臣某  
等言皇后坤儀配天德昭厚載克崇萬葉明嗣徽音  
九厥兆庶載懷島藻臣等不勝慶忭謹上千萬歲壽

外命婦朝會

右如正冬朝會儀唯賀辭云某位妾姓等言伏惟殿  
下坤象配天德昭厚載率土含識不勝忭舞會辭惟  
加謹上千萬歲壽

群臣上禮

右如加元服上禮之儀

皇后廟見

前一日皇后清齋於別殿內宮應從入廟者俱清齋  
一日於廟所諸衛令其屬晡後一刻各以其方器服  
守衛廟門與大樂工人俱清齋一宿前二日尚舍直  
長施皇后大次於太廟北門內之西東向周以行帷

尚舍奉御鋪御座尚舍直長又量設內官以下次於  
大次之後守宮設外命婦妃主以下次於廟北門外  
之西道北南向東上周以行帷設行事太尉以下次  
於齋坊之內太樂令設宮懸之樂於廟庭如式前一  
日右校清掃內外內謁者監設皇后版位於樂懸之  
北道西北向設外命婦位於其次前北面東上奉禮  
設太尉以下及御史等位於內外並如常儀設酒罇  
於廟堂之上前楹間各於室戶之左北向每室彜二  
罇二春夏用雞彜犧罇秋冬用單黃彜著罇山罇二皆加勺幕皆西上  
各有坫以置爵設洗於東階東南北向以下至太祝持  
版如加元服謁廟儀太祝持版進於室戶外之右東

向跪讀祝文曰維某年歲次月朔日子孝曾孫開元

神武皇帝某太祖以下稱臣某謹遣太尉封臣名敢昭告于

皇祖某謚皇后某氏太祖以下廟則稱妾某氏將神祇見謹以一

元太武明彛鄉合鄉葦嘉蔬嘉薦醴齊敬薦尚嚮訖

興太尉再拜初讀祝文樂作太祝進跪奠版於神座

前俛伏興還罇所太尉拜訖樂止謁者引太尉以下

獻皆如獻祖之儀惟不盥洗徧獻訖以下如加元服謁廟

儀唯執事則每事訖還齋所

### 車駕出宮

前出宮三日本司宣攝內外各供其職其日晝漏上

水四刻車駕出宮發引前七刻槌一鼓為一嚴三嚴時刻

前一日內侍發引前五刻槌二鼓為再嚴尚儀版奏請  
中嚴司贊設內命婦版位於皇后所御殿閣外道東  
重行西向北上內命婦各服其服所司陳小駕鹵簿  
發引前二刻槌三鼓為三嚴司贊引內命婦各就位  
六品以下各服其服俱謁室奉迎尚服負重如式內僕進重  
翟於閣外尚儀版奏外辦馭者執轡皇后首飾褙衣  
乘輿以出警蹕侍衛如常儀皇后升車仗衛如常六  
尚等乘車陪從如式司賓引內命婦退隨近以候諸  
翊駕之官皆乘馬駕動稱警蹕如常不鳴角鼓諸衛  
前後督攝如常外命婦三品以上及公主縣主皆先  
置各就次俱服其服車駕將去內侍之屬守廟四門



內謁者贊外命妃主等出次內典引引就位立駕過  
引還次初駕將至內侍之屬守廟四門駕至廟北門  
迴車北向南儀進當前跪奏稱尚儀妾姓言請降車  
輿還侍位皇后降車升輿入大次繖扇華蓋侍衛如  
常尚儀鹵簿停於廟外皇后停大次半刻頃司言引  
尚宮立於大次門外當門西向尚儀版奏外辦皇后  
出次侍衛如常尚服負重陪從如式司言引尚宮尚宮引皇后  
凡尚宮前導皆司言先引至版位北向立尚宮與司言退立於左  
皇后立定尚宮前奏請再拜皇后再拜少頃尚宮又  
奏請再拜皇后再拜訖司言引尚宮尚宮引皇后  
還大次內侍版奏請解嚴將士不得離部位皇后停大次八

刻頃槌一鼓爲一嚴轉仗衛於還途如來儀三頃槌  
二鼓爲再嚴尚儀版奏請中嚴皇后改著鈿釵禮衣  
五刻頃槌三鼓爲三嚴六尚以下詣大次奏迎內僕  
進重翟於廟北門外尚儀版奏外辦馭者執轡皇后  
乘輿出次華蓋侍衛如常皇后升車鼓吹振作而還  
六尚等升車陪從如來儀皇后將出門內謁者贊引  
引命婦等出次內典引引就位駕至位所內侍奏請  
駕權停外命婦再拜訖內侍承令令命婦還外命婦  
又再拜車駕過內典引引外命婦各還第駕至所御  
殿閣外迴車南向尚儀進當車前跪奏請尚儀妾姓  
言請降車還侍位皇后降車輿以出侍衛如常於車  
駕將至司賓引內命婦俱就位皇后既入司賓引內  
命婦退內侍版奏請解嚴將士各還其所